

欽定四庫全書

普濟方卷一百四十二 明 周王朱橚 撰

傷寒門

傷寒發黃

論

夫傷寒發黃者蓋濕熱相交民當病瘴者黃也單陽而無陰者也傷寒至於發黃為疾之甚也濕也熱也甚者則發黃內熱已盛甚復被火者亦發黃也邪風被火熱兩陽相熏灼其身必發黃陽明病被火額上汗出而小

欽定四庫全書

普濟方

便不利者必發黃是由內有熱而被火致發黃者也陽明病無汗小便不利心下懊懷者必發黃是由陽明熱盛致發黃者傷寒發汗已身目為黃所以然者寒濕在裏不解故也以為不可下也於寒濕中求之是由寒濕致發黃也濕亦令黃也熱亦令黃也其能辨之乎二者非止根本來有異而色澤亦自不同濕家之黃也必身黃似熏黃雖黃而色暗不明也至於熱盛之黃也必身黃如橘子色甚者勃勃出染著衣正黃如蘗是其正黃



色也由是觀之濕之與熱豈不異哉大抵黃家屬太陰  
太陰者脾之經也脾者上黃土色也脾經為濕熱蒸之  
則色見於外必發身黃經曰傷寒脈浮緩手足自溫者  
是為繫在太陰太陰當發身黃者是矣熱須內盛若已  
自汗出小便利者則不能發黃必也頭汗出身無汗齊  
頸而還小便不利渴飲水漿此為瘧熱在裏身必發黃  
黃家為熱盛而治法亦自有殊傷寒八九日身如橘子  
色小便不利少腹滿者茵陳蒿湯主之此欲泄滌其熱也

欽定四庫全書

普濟方

傷寒身黃發熱者梔子蘗皮湯主之此欲解散其熱也  
傷寒瘧熱在裏必發黃麻黃連翹赤小豆湯主之此欲解  
散其熱也此數者泄滌解散乃為之不同亦皆析火徹  
熱之劑也一或身黃脈沈結少腹硬而小便自利其人  
如狂者又為畜血在下焦使之黃也必須抵當湯下之  
而愈黃家既是病之已極是以有不治之者多矣非止  
寸口近掌無脈鼻氣出冷為不治之疾又若形體如煙  
熏直視搖頭者是為心絕環口鰲黑柔汗發黃是為脾



絕皆不治之症醫者更詳視之 又云黃家至日晡所  
發熱而反惡寒此為女勞得之當膀胱急小腹滿體盡  
黃額上黑足下熱因作黑疸其腹臃脹而滿欲作水狀  
大便必黑時溏泄此女勞疸非水也腹滿者難治 傷  
寒發黃之狀身體盡變或如熏黃或如橘色是也凡陽  
明中風太陽中濕皆令人發黃蓋由得病無汗小便不  
利寒濕不散則熱結脾胃湊理閉塞瘀熱之氣與宿穀  
相搏而鬱蒸不能消散故大小便結澀不通令人身體

欽定四庫全書

普濟方

面目皆變黃色其病腹滿一身盡疼發熱若其人小腹  
滿急眼睛澀疼鼻骨疼兩膊及項強腰背急者是也但  
得小便快利即漸愈仍不用大便多多即令人心脹又  
有急黃者身體黃甚卒然而發心滿氣喘命在須臾故  
名急黃有初得病便黃者或初不知是黃死後方變黃  
者此病亦由脾胃瘀熱本天行時氣所作也宜細辨之  
但發熱心戰者乃是急黃之候歌曰小便自利大便黑  
血症無疑定發狂若是小便全不利黃名瘵病瘵名黃



若血症宜抵當湯輕者桃仁承氣湯與犀角地黄湯黃  
瘧茵陳湯茵陳五苓湯又歌曰太陽發熱渾身痛身目  
俱黃是濕家腹滿脈弦心脇痛陽明經裏中風邪仲景  
云傷寒發汗已身目為黃所以然者以寒濕在裏不解  
故也只當以濕中求之發熱一身盡痛而身目俱黃者  
太陽中濕也腹滿鼻乾心脇痛潮熱身黃者陽明中風  
也欲發黃者急用芥蒂末一字許搐鼻中治在頭疼濕  
家條下大抵發黃與濕家不利小便非其治也腹滿脈

欽定四庫全書

普濟方

浮弦咳嗽潮熱小便難心脇疼短氣鼻中乾不得汗嗜  
卧此陽明中風也大小柴胡加茯苓湯噦者湯中加茯  
苓也見小便雜條 病人寒濕在裏不散熱畜於脾胃  
腠理不開瘵熱與宿穀相搏鬱蒸不消化故發黃汗者  
南方暑濕近夏瘵熱蓋瘵者黃也古人以黃為瘵濕熱  
相搏民多病瘵甚為跗腫然發黃與瘵血外症及脈俱  
相似但小便不利為黃小便自利為瘵血要之發黃之  
人脾蘊積發熱引飲脈必浮滑而緊數若瘵血症即如



狂大便自利為瘀血要之發黃人身體發熱頭面汗出身  
無汗齊頸而止渴飲水漿小便不利如此必發黃茵陳  
蒿湯五苓加茵陳散主之茵陳蒿湯十分五苓散五分  
二散拌勻每服二錢溫水調下日三服病人服湯得小  
便利如皂子汁赤一宿復減則黃從小便中出也古人  
云治濕不利小便非其治也大抵發黃者瘀熱在裏由  
小便不利而致也梔子蘗皮湯麻黃連翹赤小豆湯可  
選而用之又方傷寒欲發黃者急用芩蒂末口含水搗

欽定四庫全書

普濟方

一字許入鼻中出黃水甚驗即用茵陳蒿湯調五苓散  
服之最良又問白虎症亦熱發渴引飲水小便不利何  
以不發黃荅曰白虎與發黃症相近遍身出汗此為熱  
越白虎証也頭以下都無汗黃症也又問太陽病一身  
盡痛發熱身如熏黃者何太陽中濕也仲景云傷寒發  
汗已身目為黃所以然者以寒濕在裏不解故也以為  
不可下也於寒中求之又問病人脈弦浮大而短氣腹  
都滿脇下及心痛久按之氣不通鼻乾不得嗜卧一身



及目悉黃小便難有潮熱時時咳嗽者何也少陰中風也小柴胡湯主之

方

麻黃醇酒湯 出金匱方 治傷寒熱出表發黃瘴

右用麻黃三兩以醇酒五升煮取一升半盡服之溫

覆汗出即愈冬月寒時用清酒春月宜用水

麻黃連翹赤小豆湯 出金匱方 治傷寒瘀熱在裏身體必發

黃

欽定四庫全書

普濟方

麻黃 連翹 一方用連翹絲根味苦寒 甘草 各二兩 生薑 三兩 大棗 十二枚

杏仁 三十枚 赤小豆 一升 生梓白皮 切二升

右呶咀以潦水一斗先煮麻黃去沫次用諸藥煎取

三升分溫三服半日服之

茵陳湯 出金匱方 治傷寒七日八日內實瘀熱結身黃如橘

小便不利腹微脹滿宜下之

茵陳 六兩 大黃 三兩 梔子 四十枚

右呶咀以水一斗二升先煮茵陳取五升去滓次內



<p>梔子大黃煎取三升分服一升日三小便當利如 皂莢汁狀色正赤當腹減黃悉隨小便去也范注 用療穀疸小品方用石膏一斤</p>	<p>大黃黃蘗湯 治發黃腹滿小便不利而赤自汗出此 為表和裏實當下之</p>	<p>大黃<sub>三</sub>兩 黃蘗 芒硝 梔子<sub>十五</sub>枚</p>	<p>右呶咀以水六升煮取二升去滓內芒硝復煎取一 升先食頓飲之</p>	<p>欽定四庫全書 普濟方</p>	<p>枳實大黃湯 治傷寒飲酒食少飲多痰結發黃酒疸 心中懊懣而不甚熱或乾嘔</p>	<p>枳實<sub>五</sub>枚 大黃<sub>三</sub>兩 豆豉<sub>半</sub>升 梔子<sub>七</sub>枚</p>	<p>右呶咀以水六升煮取三升分三服心中熱疼懊懣 皆主之</p>	<p>治傷寒後二十日渾身黃眼如金色者 右用黃蘗一兩剉碎水一升煎取三合空心服三五 服安</p>
---	---	---	--	-----------------------	--	--	-------------------------------------	--



三黃散 治傷寒發黃服藥瘥後未全除餘熱發動	服日三夜	右竈擗篩每服五錢用水一盞半煎至一盞去滓溫	大黃 <small>剉炒各一兩</small>	秦艽 <small>去苗土</small> 紫草 <small>去苗土</small> 白蘚皮 黃芩 <small>去黑心</small> 梔子仁	秦艽湯 治傷寒心胸堅硬脚手心熱即變為黃	右為散每服二錢煎葱白湯調下不計時候	各半兩	去白焙	欽定四庫全書	普濟方	牽牛子 <small>炒半斤只取末二兩</small> 赤茯苓 <small>去黑皮</small> 木香 陳橘皮 <small>浸湯</small>	小便不利身體發黃利水道	消濕散 治傷寒瘵熱在內濕氣鬱而不散熏發肌肉	去滓溫服不拘時	右咬咀如麻豆大每服五錢用潦水二盞煎取一盞	生薑 <small>二兩</small> 甘草 <small>一兩</small> 生梓白皮 <small>切一升</small>	麻黃 <small>去根節湯煎去沫二兩</small> 連翹 <small>二兩</small> 杏仁 <small>去皮尖雙仁四十枚</small> 棗 <small>十二枚</small>	麻黃連翹湯 <small>出金匱方</small> 治傷寒瘵熱在裏身必發黃
----------------------	------	----------------------	-------------------------	---	---------------------	-------------------	-----	-----	--------	-----	---	-------------	-----------------------	---------	----------------------	---	--	---------------------------------------





宜服	茵陳蒿大黃湯 <small>濟生拔萃方</small> 治傷寒發黃面目悉黃小便赤	生地黃汁一合攪令勻不拘時溫服	右龕擣羅每服五錢用水一盞半煎至一盞去滓入	龍膽 <small>各半兩</small> 犀角 <small>一兩</small>	黃芩 <small>去黑心</small> 茵陳蒿升麻 <small>各一兩</small> 梔子仁苳胡 <small>去苗</small>	以析熱氣	黃芩湯 治傷寒發黃或先服利藥未差者以內消湯	欽定四庫全書 普濟方	右龕擣篩每服五錢用水一盞半煎至一盞去滓不拘時溫服	皮木通芍藥甘草 <small>炙</small> 羚羊角 <small>鎊</small> 麥門冬 <small>去心</small>	龍膽枳殼 <small>去穢炒</small> 苳胡 <small>去苗</small> 梔子仁知母 <small>切</small> 地骨	龍膽湯 治傷寒發黃煩熱皮肉皆黃小便赤不利	右擣羅為細散每服用米飲調下二錢日三服	大黃 <small>剉炒</small> 黃芩 <small>去黑心</small> 黃連 <small>去鬚</small> 梔子仁苦參 <small>各一兩</small>
----	--	----------------	----------------------	--	--	------	-----------------------	---------------	--------------------------	---	--	----------------------	--------------------	--



茵陳蒿 心 升麻 大黃 一兩 龍膽 兩	梔子仁 苳胡 苗 去 藥皮 半兩 黃芩 去 黑	右麤擣篩每服五錢用水一盞半煎至一盞去滓早 晚食後溫服	茅根湯 治傷寒發黃通身如金色者	茅根 洗 梔子仁 茵陳蒿 地骨皮 甘草 各 三兩	右麤擣篩每服五錢用水一盞半生薑三片豉三七 粒同煎至一盞去滓早晚食後溫服	欽定四庫全書 普濟方	苳胡枳殼湯 治傷寒發黃壯熱骨節煩疼兩脇下氣 脹急硬痛不能忍	苳胡 去 苗 枳殼 去 穰 炒 黃芩 去 心 黑 梔子仁 茵陳蒿	龍膽 大黃 炒 甘草 各 半兩	右麤擣篩每服五錢用水一盞半煎至一盞去滓早 晚食後溫服	茵陳黃芩湯 出楊子建 護命方 治傷寒熱毒熾盛熏灸三焦攻 擊皮膚通身發黃
---------------------------------------	---	-------------------------------	--------------------	---	--	---------------	-------------------------------------	--	--------------------------------	-------------------------------	---



茵陳蒿	黃芩 <sub>去心</sub>	梔子仁	升麻	秦艽 <sub>去苗</sub>	牡
丹皮	荊芥穗	麻黃 <sub>去根</sub>	細辛 <sub>去苗</sub>	石膏 <sub>碎</sub>	知
母 <sub>焙各</sub>	黃連 <sub>去</sub>	大黃 <sub>剉炒各</sub>			
右龕擣篩每服三錢水一盞煎至七分去滓食後臨					
卧溫服					
葶藶丸 治傷寒時氣發黃					
甜葶藶 <sub>隔紙炒</sub>	大黃 <sub>剉炒</sub>	人參			
右擣羅為末煉蜜和丸如梧桐子大每服溫水下二					
欽定四庫全書					
普濟方					
十丸以利為度					
急黃丸 治傷寒熱毒所加卒然心中滿氣喘急發熱					
心戰					
大黃 <sub>半兩</sub>	朴硝 <sub>一分</sub>				
右用二大盞漬大黃一宿次日煎至一盞去滓下朴					
硝攪令勻不計時候溫分三服利快差					
梔子仁湯 治傷寒急黃					
梔子仁	芫胡 <sub>去</sub>	朴硝 <sub>別</sub>	茵陳蒿		



右除朴硝外各細剉用水三大盞煎二大盞去滓下

朴硝攪令勻不計時候分溫三服取利為度

治病人腹滿舌痿黃煩不得眠

茵陳

二兩

白朮

一兩

甘草

一兩

右白中杵為散沸湯和服方寸匕小便不利加茯苓

二兩

治傷寒時氣黃疸病煩熱

右以湯淋東壁土硝取汁頓服之

欽定四庫全書

普濟方

治傷寒三五日忽有黃則宜服此

右取生烏麻油一盞水半盞鷄子白一枚熟攪令相

勻服之令盡

茵陳五苓散

出金匱方

治傷寒溫濕熱病感冒後發為黃疸

小便黑赤煩渴發熱不得安寧此蓋汗下太早服藥

不對症因感濕熱病以致身發黃予嘗用茵陳五苓

散治之甚效

右用生料五苓散一兩加入茵陳半兩車前子一錢



木通一錢半 芫胡一錢半 酒後得症加乾葛二錢 作呔咀并前藥和勻分作二服 每服水一碗 燈草五十莖同煎八分 去滓食前服 滓再煎連進數服 小便清利為愈	梔子蘘皮湯 治傷寒身熱發黃者 <small>方見本門辨陽明脈症類</small>	麻黃連翹赤小豆方 <small>出拔萃方</small> 少陽陽明身熱不去小便自利而煩者身必發黃宜梔子蘘皮湯	麻黃 連翹 各一兩 赤小豆	欽定四庫全書 普濟方	右剉如麻豆大每服一兩水三盞煎至八分去滓溫服	梔子蘘皮湯 <small>出拔萃方</small> 治燥熱發黃	大黃 蘘皮 各三兩 梔子 十五個	右剉如麻豆大每服一兩水二盞煎服發黃大便自利不止者加黃連黃蘘皮各三兩生減大黃用之多效	僧傷寒發汗有留熱身面皆黃多熱暮年不愈醫作食
---	--	--	------------------	---------------	-----------------------	---------------------------------------	---------------------	---	-----------------------



<p>黃治之病不去問之食不減尋與此藥五日減三分 之一十日減三分之二二十日病悉去其方用 <small>澹察方</small></p>	<p>山茵陳 山梔子 <small>各三錢</small> 秦艽 升麻 <small>各四錢</small></p>	<p>右咬咀以三錢為一服煎去滓食後服 <small>本草衍義</small></p>	<p>茵陳附子乾薑湯 <small>出衛生寶鑑</small> 治因涼藥過劑變為陰症身</p>	<p>目俱黃四肢皮膚甚冷心下痞硬眼澁不欲開大便</p>	<p>自利倦卧</p>	<p>附子 <small>炮去皮三錢</small> 乾薑 <small>炮二錢</small> 茵陳蒿 <small>一錢三分</small> 白茯苓 <small>去皮三分</small></p>	<p>欽定四庫全書 <small>普濟方</small></p>	<p>澤瀉 <small>分五</small> 枳實 <small>麸炒去穢五分</small> 半夏 <small>湯炮七分</small> 陳皮 <small>去白三分</small> 白朮</p>	<p><small>四分</small> 草豆蔻 <small>麪裹燒熟去皮用仁一錢</small></p>	<p>右剉如麻豆大都作一服水一盞半生薑五片煎至</p>	<p>一盞去滓涼服不拘時候</p>	<p>茵陳梔子黃連三物湯 <small>出活人書</small> 大便自利而黃</p>	<p>茵陳 <small>三錢</small> 梔子 黃連 <small>各二錢</small></p>	<p>右以水二盞煎八分去滓服</p>	<p>治傷寒時氣黃疸病煩熱</p>
---	--	--	---	-----------------------------	-------------	--	----------------------------------	---	--	-----------------------------	-------------------	---	--	--------------------	-------------------



右用土硝湯淋取汁頓服之莊子云蝓蟻轉丸是也

藏在土中掘地得之正員如人捻作彌久者良

治傷寒鼻塞黃疸

右用苦瓠煎取汁滴鼻中出黃水其塞遂通

治傷寒五種黃

右用翹搖生搗絞汁服一升日二服即差

又方

右用亂髮燒灰水服一寸匕日三服

欽定四庫全書

普濟方

治伏熱結目黃不下食大小便澀

右用苦耽苗子煮汁服或生搗絞汁服

傷寒百合

論

夫傷寒百合病者謂百脈一宗悉知其病也其狀意欲

食復不能食常默默欲得卧復不能卧欲出行復不能

行飲食有時美亦有時不美如有寒復如無寒如有熱

復如無熱口苦小便赤黃得藥則吐利者是也此皆由傷

寒及虛勞大病後臟腑俱虛榮衛耗弱不能平復變成斯



疾也然以百脈一宗悉致其病又無復經絡故其病症變異而治之者亦宜各隨其症 百合病者皆因傷寒病後其狀惡寒而嘔病在上焦也二十二日當愈其狀腹滿微喘大便堅三四日一大便時復小澹者病在中焦也六十三日當愈其狀小便淋瀝難者病在下焦也三十三日當愈各隨其症以醫治之百合之為病令人意欲食復不能食或有美時或有不用聞飲食臭時如有寒其實無寒如有熱其實無熱常默默欲卧復不得

欽定四庫全書

普濟方

眠至口苦小便赤澁欲行復不能行諸藥不能治治之即劇吐利如有神靈所為也百合病身形如和其脈微數其候每溺時即頭覺痛者六十日乃愈百合病候之溺時頭不覺痛淅淅然寒者四十日愈百合病候之溺時覺快然但覺頭强者二十日愈百合病症其人或未病而預見其候者或已病四五日而出或病一月二十日後見其候者治之喜誤也依症治之 百合病見在於陰而攻其陽則陰不得解也復發其為逆也見在於





陽而攻其陰則陽不能解也後下之其病不愈要畧云  
見於陰者以陽法救之見於陽者以陰法解之見陽攻  
陰復發其汗此為逆其病難治見陰攻陽乃復下之此  
亦為逆其病難治歌曰坐不能坐行不能行寒又無寒  
熱又無熱飲食美時不美特百合少人知妙訣宜百合  
知母湯百合地黃湯百合洗方又歌曰百合昏如祟物  
厭或時喜食或時嫌似寒不冷熱無熱欲出難行卧不  
恬百合者百脈之宗舉皆受病無所謂經絡傳次也皆

欽定四庫全書

普濟方

陰傷寒虛勞大病之後臟腑不平變而成此其狀似寒  
無寒似熱無熱意中欲食復不能食默默欲卧復不得  
卧強欲出行復不能行崇朝口苦小便赤黃藥入即吐  
利也病源所在症狀一同其脈微數每尿則頭痛者六  
十日愈若尿不頭痛但淅淅如寒者四十日愈若尿則  
快然而但眩者二十日愈百合知母湯百合地黃湯滑  
石代赭湯鷄子湯百合洗方選用之

方



百合滑石代赭湯

出千  
金方

治百合傷寒已經下後

百合

七枚  
擘破

滑石

一兩  
碎

代赭

如彈子丸  
大一枚碎

右先以水洗百合漬一宿白沫出去其水更以新汲

水二盞煎取一盞去滓別用新汲水二盞煮滑石

代赭取一盞去滓後和百合重煎取一盞半分溫再

服

百合鷄子湯

出千  
金方

治百合傷寒病吐之後者

百合

七枚  
擘

鷄子黃

一枚

欽定四庫全書

普濟方

右先以水洗百合漬一宿當白沫出去其水更以新

汲水二盞煎取一盞去滓內鷄子黃攪勻分溫再

服聖惠用鷄子白不計時候頓服之

百合知母湯

出千  
金方

治百合傷寒已經汗後病人欲食復

不能食常默默欲卧復不能卧欲行復不能行有寒

如無寒有熱如無熱飲食或美不美如強健人而卧

不能行口苦小便赤藥入口即吐利此因虛勞大病

之後不平復變成此疾名百合候主之發汗後者服



<p>百合<small>七枚</small> 知母<small>一兩</small></p>	<p>右先將百合擘碎用新汲水二盞浸一宿當有白沫 出去却沫水了却用新汲水二盞煮百合取汁一 盞去滓盛於淨器中又將知母亦用新汲水二盞 煮取一盞去滓後將百合知母汁相和同煎取一 盞半不計時候分溫作二服</p>	<p>百合滑石散<small>出千方</small> 治百合傷寒病變發熱并小便澀臍 下堅急</p>	<p>欽定四庫全書 普濟方</p>	<p>百合<small>一兩</small> 滑石<small>三兩</small></p> <p>右搗羅為散更入乳鉢研如粉每服空心米飲調下 二錢日二服當微利即住服</p>	<p>百合地黄湯<small>出千方</small> 治百合傷寒病已經吐下發汗病形 如初者</p>	<p>百合<small>七枚</small> 生地黃汁<small>一盞</small></p>	<p>右先以水洗百合漬一宿白沫出去其水更以新汲 水二盞煮取一盞去滓內地黃汁再煎取一盞半</p>
--	---	---	-----------------------	--	---	--	---



分溫再服中病勿更服大便當如漆	勞日漸羸瘦	百合半夏湯 <small>一方熟地黃</small>	治百合傷寒病不差 不思食欲成	右龕搏篩每服五錢半入生薑一分拍碎同煎至八分去滓食後溫服日二	欽定四庫全書 普濟方	百合柴胡湯 <small>出聖惠方</small>	治百合傷寒病久不差 不思食欲成	勞	右龕搏篩每服五錢水一盞半生薑半分拍碎煎至七分去滓食前溫服日二	百合紫苑湯 治百合傷寒病似勞形狀如瘧	百合 紫苑 <small>去苗土</small> 白茯苓 <small>去黑皮</small> 杏仁 <small>湯浸去皮尖雙仁炒令黃</small>
分溫再服中病勿更服大便當如漆	勞日漸羸瘦	百合二 人參 赤茯苓 <small>去黑皮聖惠用白茯苓</small> 半夏 <small>湯洗七遍炒令</small>	治百合傷寒病不差 不思食欲成	右龕搏篩每服五錢半入生薑一分拍碎同煎至八分去滓食後溫服日二	欽定四庫全書 普濟方	百合二 柴胡 知母 <small>去苗焙</small> 黃連 <small>去鬚剉微炒</small> 秦艽 <small>去苗土</small> 栝	治百合傷寒病久不差 不思食欲成	勞	右龕搏篩每服五錢水一盞半生薑半分拍碎煎至七分去滓食前溫服日二	百合紫苑湯 治百合傷寒病似勞形狀如瘧	百合 紫苑 <small>去苗土</small> 白茯苓 <small>去黑皮</small> 杏仁 <small>湯浸去皮尖雙仁炒令黃</small>



甘草 炙令微黃 柴胡 土苗

右等分麤擣篩每服五錢水一盞半生薑半分拍碎

煎七分去滓空心溫服日晚再服

厚朴散 治百合傷寒補陰養陽

厚朴 去粗皮姜汁炙 桃仁 去皮尖雙仁炒 杏仁 去皮

尖雙仁炒令 紫石英 別研 白蘚皮 五加皮 桑根

白皮 剉各半兩

右擣研為散更入乳鉢一處研如粉每服食前用葱

欽定四庫全書

普濟方

白糯米煎湯調下二錢日再服

百合前胡湯 治傷寒差後已經二七日熱不解將變

成百合病身體沉重無力昏如醉狀

生百合 三枚擘洗 前胡 去蘆頭 麻黃 去節各一兩半 葛根 剉二兩 麥

門冬 去心半兩 石膏 三兩碎

右咬咀如麻豆大每服五錢水一盞半煎取七分去

滓溫服後如食頃再服

百合散 出聖惠方 治傷寒百合病身微熱惡寒煩喘



<p>百合<small>二兩</small>紫苑<small>一兩去根土</small>杏仁<small>一兩湯浸去皮尖</small>前胡<small>雙仁麩炒微黃</small></p> <p>去蘆頭 麥門冬<small>各一兩</small>甘草<small>三分炙</small></p> <p>右為散每服五錢用水一大盞煎至五分去滓不計</p> <p>時候温分服</p>	<p>赤茯苓散 治傷寒頭不痛但覺頭眩浙浙惡寒是百合症</p> <p>赤茯苓 麥門冬<small>各三分</small> 百合 知母 柴胡<small>各一</small></p> <p>兩去苗 甘草<small>半兩炙</small> 微赤剉</p>	<p>欽定四庫全書 普濟方</p> <p>右為散每服四錢以水一中盞煎至六分去滓不計</p> <p>時候温服</p>	<p>子苓散<small>出聖惠方</small> 治傷寒頭不痛多眩悶寒熱往來小便不利百合症</p> <p>子苓<small>三分</small> 赤茯苓 甘草<small>炙微剉</small> 芎藭<small>各半兩</small> 百合<small>一兩</small> 知母</p>	<p>右為散每服五錢以水一大盞煎至五分去滓不計</p> <p>時候温服</p>
---	---	---	--	---



<p>半夏散 <small>出聖 惠方</small> 治傷寒百合病下利不止心中忪忪堅而</p>	<p>煩嘔宜服</p>	<p>半夏 <small>湯浸七遍去滑</small> 黃芩 黃連 <small>去鬚 微炒</small> 甘草 <small>炙 微赤 剉</small> 人參 <small>各一</small></p>	<p><small>兩去</small> 百合 <small>二兩</small> 乾薑 <small>炮製剉 半兩</small></p>	<p>右為散每服三錢以水一中盞入棗三枚生薑半分</p>	<p>煎至六分去滓不計時候稍熱服</p>	<p>柴胡散 <small>出聖 惠方</small> 治傷寒百合病羸瘦不食少力宜服</p>	<p>柴胡 <small>去苗</small> 白茯苓 陳橘皮 <small>湯浸去白穰 焙</small> 知母 桔梗 <small>去蘆</small></p>	<p>欽定四庫全書 普濟方</p>	<p><small>頭</small> 黃耆 <small>各一兩</small> 百合 <small>二兩</small></p>	<p>右為散每服五錢以水一大盞煎至五分去滓不計</p>	<p>時候溫服</p>	<p>紫苑飲子 <small>出聖 惠方</small> 治傷寒百合病陰陽相搏日久漸瘦不</p>	<p>思飲食虛熱咳嗽宜服</p>	<p>紫苑 <small>去根 土</small> 杏仁 <small>各一兩 湯浸去皮 尖雙仁 數炒 微黃</small> 黃連 <small>半兩 去鬚</small> 前胡</p>	<p><small>去蘆 頭</small> 半夏 <small>各三分 湯洗 七遍去滑</small> 蘇蘇 <small>一枚</small> 人參 <small>一兩 去蘆 頭</small> 知母</p>	<p><small>三分</small> 甘草 <small>半兩 炙 微赤 剉</small></p>
--	-------------	--	--	-----------------------------	----------------------	--	--	-------------------	--	-----------------------------	-------------	--	------------------	---	--	--



右細剉和勻每服半兩以水一大盞煎至五分去滓

不計時候溫服

半夏散出聖惠方治傷寒百合病久不差大小便澀腹滿微

喘時復痰逆不下食宜服

半夏一兩湯洗七遍去滑人參半兩去蘆頭木香三分枳實微炒黃木

香各半兩剉碎川大黃一兩剉微炒杏仁湯浸去皮尖雙桑

根白皮各三分剉百合一兩

右為散每服五錢以水一大盞入生薑半分煎至五

欽定四庫全書

普濟方

分去滓不計時候溫服

菰蘇牡蠣散出千金方治傷寒百合病渴不止

牡蠣燒為粉菰蘇根各二兩

右為細散每服二錢以粥飲調下不計時候服

治傷寒百合病壯熱頭痛昏昏不寐如有崇方出聖惠方

百合 石膏各二兩知母 木香各一兩

右為散每服三錢以水一大盞煎至六分去滓不計

時候溫服





百合散 治傷寒百合病一月不解變加渴疾宜服

百合

各三分  
去心焙

甘草

半兩炙  
微赤剉

牡蠣

燒為粉

梔子仁

麥門冬

右為散每服五錢以水一中盞入生薑半分竹葉二

十七片煎至六分去滓不計時候溫服

治傷寒百合病腹中滿痛宜服此方

出千金方

右用百合一兩炒令黃色為細散每服不計時候以

粥飲調下二錢一方用百合根

欽定四庫全書

普濟方

百合洗方

出千金方

治百合病一月不解變成渴者

右用百合以水一斗漬一宿以水洗身已食煮餅勿

以鹽豉一方用百合根外臺祕要云如渴不差可

用菰蘇根并牡蠣等分為散飲服方寸匕日三服

傷寒狐惑

論

夫狐惑之病或初得狀似傷寒或因傷寒而變然皆蟲

症也蟲食其喉為惑使人聲啞蟲食其下部為狐使人

咽乾其候皆默默欲眠不得卧起居不安惡飲食面目



乍赤乍白黑是也此由傷寒病內熱飲食少腸胃空虛  
而蟲為之不安故隨所食上下部而病名狐惑也 病  
人默默欲眠目不能閉起居不安其聲啞或咽乾此名  
狐惑傷寒也狐惑與濕蘊皆蟲症初得狀如傷寒或因  
傷寒變成其病其候默默欲眠目不能閉起居不安蟲  
蝕其喉為惑其聲啞蟲蝕下部為狐其咽乾狐惑之病  
並惡飲食面目乍赤乍白黑是其證也大抵傷寒病腹  
內熱入食少腸胃空虛三蟲行作求食蝕人五臟及下

欽定四庫全書

普濟方

部為蠱病其候齒無色舌上盡白甚者唇黑有瘡四肢  
沉重忽忽喜眠蟲食其肛爛見五臟則死當數其上下  
唇上唇有瘡蟲蝕其臟也下唇有瘡蟲蝕其肛也殺人  
甚急多因下利而得治蠱桃仁湯黃連犀角湯雄黃丸  
散主之 傷寒不發汗變成狐惑之病其氣如傷寒默  
默欲眠目不得閉起卧不安其毒在喉咽為惑病在陰  
肛者為狐病狐惑之病並惡飲食不欲食聞食臭其面目  
翕赤翕白翕黑毒食於上者則聲啞也一作啞毒食下



部者則乾咽也此由溫毒氣所為食於上者瀉心湯主  
之食於下者苦參湯淹洗之食於肛外者熏之并用雄  
黃三片稍置瓦瓶中炭灰火燒向肛熏之并服湯也  
歌曰狐惑傷寒聲啞喎唇口生瘡誠可怕上唇食臍下  
食肛醫師治療應無價又論云上唇生瘡蟲食其臍或  
云喉曰惑下唇有瘡蟲食其肛或云陰曰狐通用多眠  
四症先看脈若是風溫情嘿嘿太陽外症欲解時更有  
少陰與狐惑脈浮自汗風溫也萎蕤湯脈細者太陽外  
已解也小柴胡湯但浮無汗者麻黃湯沈細者少陰者  
四逆湯 歌曰蛔厥烏梅及理中臍寒惡冷吐長蟲咽  
乾聲啞名狐惑濕蠱唇瘡限數終又論云虵厥症屬厥  
陰病家有寒妄發其汗或汗後身熱又復汗之以致胃  
中虛冷故長蟲逆上饑不欲食食即吐蟲其乍靜乍煩  
者蟲或上而止也蟲聞食臭必出所以食則吐蟲也張  
氏有言厥陰為病消渴氣上衝心饑不欲食食則吐蛔  
吐蛔既出之於胃令腹有消渴之症何哉蓋熱在上焦

欽定四庫全書

普濟方



下焦下焦虛寒無熱耳設或大便硬結是亦蘊毒使然 又不可指為燥糞但用生料理中湯加大黃入蜜以利 之白朮乾薑所以輔大黃也治法先服理中丸次用烏 梅丸若誤下之利不止則用四逆湯又法理中丸加茯 苓枳殼烏梅渴者加栝蒌根狐惑與溫蠱皆蟲證也狀 如傷寒多因傷寒下利變壞成之蓋腹中有熱入食無 多腸胃空虛故三蟲求食而食人之五臟也其候四肢 沉重並惡飲食默默欲眠目不能閉舌白齒晦面目間	欽定四庫全書	普濟方
赤白黑色變易不常蟲食下部為狐下唇有瘡其咽乾 蟲食其臟為惑上唇有瘡其聲啞溫蠱條例是雖調理 有方此越人所以望而驚也治蠱桃仁湯黃連犀角湯 雄黃丸散備用而已金液丹方狀治濕蠱蓋硫黃能殺 腹中諸蟲無湯者與之	方	
黃芩湯 治傷寒不發汗後變成狐惑脈數無熱微煩 目赤但欲眠睡咽乾不能食		



黃芩 <small>去黑心</small> 射干 <small>各一兩</small> 黃連 <small>去鬚炒二分</small> 甘草 <small>炙剉</small> 前胡 <small>去蘆</small>	頭 青竹茹 知母 <small>焙各半兩</small>	右麤擣篩每服五錢以水一盞半煎至八分去滓食後溫服	犀角湯 治傷寒發汗後變成狐惑毒氣發盛惡聞飲食咽中乾痛脅滿悶	犀角 <small>鎊三分</small> 黃連 <small>去鬚炒</small> 芍藥 木通 <small>剉</small> 木香 枳實	<small>去穰</small> 射干 人參 半夏 <small>湯洗七遍炒</small>	欽定四庫全書 普濟方	右麤擣篩每服五錢水一盞半生薑一枚棗大擘碎煎至八分去滓食前溫服	桃仁湯 治傷寒狐惑默默欲眠目不瞑惡飲食面目乍赤乍白乍黑齒無色舌上白聲啞咽乾此因大便後腸胃空虛三焦蟲求食食人五臟食其喉則為惑其聲啞食下部則為狐咽乾當看上下唇有瘡蟲食其臟下唇有瘡蟲食其肛	桃仁 <small>去皮尖雙仁炒</small> 槐子 艾 <small>各一兩</small>
---	------------------------------	-------------------------	-------------------------------	--	---	------------	--------------------------------	---	--



角 分 鎊 一 升 麻 半 分 麻 黃	附子 尖 炮製去 臍 桂 皮 去粗 葛根 枳殼 各半兩 麩炒 羚羊	半夏 湯洗七 遍炒乾 木通 剉 桃仁 湯浸去 皮尖 雙仁麩 炒 黃芩 去黑 心	躁悶不欲飲食	半夏湯 治傷寒發汗不解變成狐惑寒熱無常心中	裝香火雄黃燒之候烟出以瓶口當病處薰之	右以雄黃半兩用瓶子一個口稍大者內入灰上如	治傷寒狐惑蟲食下部肛外如蠶痛痒不止方	欽定四庫全書 普濟方	右細剉用水二斗煎取一斗去滓薰洗下部	槐白皮 柳白皮 桑白皮 桃白皮 各一兩	又方	右細剉用水一斗煎取七升去滓薰洗下部	枳殼 二兩 苦參 三兩 槐白皮 二兩	治傷寒狐惑蟲蝕下部痛痒不止宜用薰洗方	破煎至八分去滓溫服一方用生薑三片同煎	右咬咀如麻豆大每服五錢水一盞半棗子三枚劈
---	---	---	--------	-----------------------	--------------------	----------------------	--------------------	---------------	-------------------	------------------------	----	-------------------	--------------------	--------------------	--------------------	----------------------



右剉如麻豆大每服五錢水一盞半生薑一棗大擘

碎煎至八分去滓溫服

雄黃導氣散 治傷寒狐惑下部蠱瘡

雄黃研 青箱子 苦參 黃連各半 桃仁去皮尖

分 研一

右搗研為散以生艾搗汁和棗子大綿裹導下部扁

蓄汁和更佳冬月無艾只用散綿裹亦得

雄黃丸 治傷寒狐惑微煩默默欲卧毒氣上攻咽乾

欽定四庫全書

普濟方

聲啞下蝕濕蠱或便膿血

雄黃研 當歸剉炒各 蘆薈研 麝香研各 檳榔剉半

右搗研為末煮麪糊和丸如梧桐子大每服十五丸

至二十九食前溫粥飲下日三

柴胡散 治傷寒狐惑神思昏悶大便難肌膚熱

柴胡去苗 大黃剉 赤芍藥 檳榔剉 枳實麸炒去穢

半夏半兩姜汁 浸令透焙

右為散每服二錢濃煎苦楝根湯調下米飲亦得



地榆湯 治傷寒不發汗變成狐惑毒氣上攻喉咽疼

痛下利不止

地榆 黃連 木香 白朮 甘草 阿膠

炙燥各一分

右麤擣篩每服五錢水一盞半生薑一棗大拍碎煎

至八分去滓食前溫服

療膈湯 治傷寒狐惑病在上焦

甘草 苦參

半兩 生用 一兩

普濟方

右細剉用漿水一盞半煎至八分去滓五更初服良

久即吐

茯神散 治傷寒狐惑病脈數者不可灸或因火為

邪即加煩熱故血妄行於脈中火氣內盛即心神煩

悶乾嘔

茯神 半夏 黃芩 人參 麥門冬

去心 兩一分 湯洗 七遍 去滑 炙微 赤剉 各三

右為散每服五錢以水一大盞入生薑半分棗三枚





前胡 <small>十兩去蘆頭</small> 半夏 <small>一兩湯浸七遍去滑</small> 黃芩 <small>三分</small> 人參 <small>一兩去蘆頭</small>	煩嘔逆	寒熱來去胸脇滿痛默默欲睡卧不得不欲飲食心	前胡散 <small>出聖惠方</small> 治傷寒不經發汗變成狐惑六七日不解	十七片煎至五分去滓不計時候溫服	右為散每服五錢以水一大盞入生薑半分竹葉二	大青 茯苓 甘草 <small>炙微赤剉</small> 百合 <small>三分</small>	黃連 <small>去鬚</small> 木通 <small>剉各半兩</small> 犀角屑 川升麻 <small>各三分</small> 黃芩	欽定四庫全書 普濟方	班如錦紋	黃連散 治傷寒毒氣未散欲變入狐惑目赤面色班	滓分為三服不計時候溫服	右細剉以醋漿水二大盞漬之一宿煮取一大盞去	黃連 <small>去鬚</small> 薰草 <small>各二兩</small>	症令人乾嘔心煩惡聞食氣不得睡卧 <small>出千金方</small>	治傷寒發汗不出毒氣在臟或毒氣攻於咽喉為狐惑	青竹茹半分煎至六分去滓不計時候溫服
--	-----	----------------------	--	-----------------	----------------------	--	--	---------------	------	--------------------------	-------------	----------------------	---	--	-----------------------	-------------------



<p>甘草 <small>三分炙</small> 微赤剉 當歸</p>	<p>右為散每服五錢以水一大盞入生薑半分棗三枚煎至五分去滓不計時候溫服一方無當歸</p>	<p>又方 <small>出聖</small> 惠方</p>	<p>人參 <small>去蘆頭</small> 一兩 陳橘皮 <small>湯浸去白穰</small> 焙各一兩 枳殼 <small>麸炒微</small> 黃去穰 赤</p>	<p>芍藥 當歸 <small>剉微</small> 炒 半夏 <small>湯洗七</small> 遍去滑 前胡 <small>去蘆頭</small> 各三分</p>	<p>右為散每服五錢以水一大盞入生薑半分煎至五分去滓不計時候溫服</p>	<p>欽定四庫全書 普濟方</p>	<p>赤芍藥散 <small>出聖</small> 惠方 治傷寒不經發汗後成狐惑默默欲睡起則不安咽中乾心腹滿身體痛內外似有熱煩嘔不止</p>	<p>赤芍藥 <small>一兩</small> 枳殼 <small>三分</small> 炒微黃 半夏 <small>半兩</small> 湯洗七遍去滑 黃芩 <small>半兩</small> 前</p>	<p>胡蘆頭 <small>一兩</small> 去 甘草 <small>半兩</small> 炙 微赤剉</p>	<p>右為散每服五錢水一大盞入生薑半分棗三枚煎至五分去滓不計時候溫服</p>	<p>又方 <small>出聖</small> 惠方</p>
---	--	------------------------------------	---	--	--------------------------------------	-----------------------	--	--	---	--	------------------------------------





煎至五分去滓不計時候溫溫頻服	右為散每服五錢以水一大盞入棗二枚葱白二莖	草 <small>三分灸 微赤剉</small>	木通 <small>剉一兩</small> 吳茱萸 <small>半兩湯浸七遍焙乾微炒</small> 桂心 <small>一兩</small> 細辛 <small>半兩</small> 甘	瓜甲稍青踟躕之間變成狐惑	木通散 <small>出聖 惠方</small> 治傷寒服冷藥過多寒氣在臟手足厥冷	五分去滓溫服不計時候	右為散每服五錢以水一大盞入竹葉二七片煎至	欽定四庫全書 普濟方	赤剉 茅根 <small>一兩</small> 子芩 <small>三分</small> 羚羊角屑 <small>半兩</small> 石膏 <small>一兩</small> 甘草 <small>半兩</small>	又方 <small>出聖 惠方</small>	五分去滓不計時候溫服	右為散每服五錢以水一大盞入糯米一百粒煎至	知母 <small>一兩</small> 石膏 <small>二兩</small> 甘草 <small>灸微赤剉</small> 黃芩 <small>各三分</small>	膿血者	知母散 <small>出聖 惠方</small> 治傷寒狐惑病咽喉乾痛唇口破裂或吐
----------------	----------------------	------------------------------	---	--------------	---	------------	----------------------	---------------	---	-----------------------------	------------	----------------------	--	-----	---



又方 出聖 惠方	附子 炮製去 皮臍 白朮 各三 分 桂心 兩半 吳茱萸 湯浸七 遍 焙炒半 兩	細辛 一分 木通 三分	右為散每服五錢以水一大盞入生薑半分煎至五分去滓不計時候溫服	又方 出聖 惠方	乾薑 炮裂 甘草 炙微 赤剉 附子 炮製去 皮臍各 半兩 細辛 桂心	白朮 各三分	欽定四庫全書 普濟方	右為散每服五錢以水一大盞入豉五十粒葱白二莖生薑半分煎至五分去滓不計時候溫服	治傷寒發汗下利不解心中躁悶復發壯熱大腸不通	咽中乾痛變成狐惑方 出聖 惠方	皂莢 二挺去 黑皮塗 酥炙黃 焦去子 川大黃 剉碎微 炒半兩 檳榔 木香	各一分	右為散每服不計時候以溫生薑湯調下二錢	鼈甲散 出聖 惠方	治傷寒不解變成狐惑默默欲睡卧不安
----------------	---	----------------------	-------------------------------	----------------	--	-----------	---------------	---------------------------------------	-----------------------	-----------------------	---	-----	--------------------	-----------------	------------------



咽喉乾痛口内生瘡惡聞食氣時時下利

鼈甲

二分塗酥炙  
令黃夫裙襪

川升麻

兩半

葳蕤

黃連

去鬚

當歸

剉微炒

赤芍藥

桂心

犀角屑

貝齒

茯神

秦艽

去苗

甘草

炙微赤剉

柴胡

去苗

麻黃

去節

人參

去蘆

頭各半兩

右為散每服不計時候以粥飲調下二錢

赤小豆當歸散

出金匱方

治傷寒狐惑病脈數汗出微煩默

默但欲卧三四日眼赤如鳩者得之七八日其面皆

欽定四庫全書

普濟方

黃黑能食者膿已成也

赤小豆

三兩炒熟

當歸

一兩半剉微炒

右為散每服不計時候以溫水調下二錢漿水服亦

可

治傷寒不經發汗變成狐惑毒氣下蝕肛門痒痛至甚

或下膿血

出聖惠方

檳榔末

杏仁

朱砂

右研令勻用黑錫和丸如棗核大先用椿根槐白皮



各二兩以水一斗煎十餘沸去滓薰洗然後將藥

內肛門中一日一易之

傷寒身體疼痛 論

夫太陽少陰厥陰皆有身痛當以外症與脈別之太陽

症表未解脈浮緊法當身體痛宜麻黃湯以汗之 脈浮

身體疼痛宜以汗解假令尺脈遲者不可發汗何以知其然榮氣不出血少故也尺脈遲者先以小建中湯以

養之脈浮者麻黃湯主之太陽中濕一身盡痛發熱身黃小便不利

病人中濕因而傷風風濕相搏一身痛腫是名風濕當

欽定四庫全書

普濟方

於風濕中求之 麻黃加朮湯主之若脈沈自利而身體痛者陰

症也急當救裏宜四逆湯附子湯真武湯之類以溫之

大抵大便利而身體疼者當救裏大便如常而體痛者急當救表此不可不知也或身重背強

腹中絞痛咽喉不利身如被杖者當作陰毒治之又問

發汗後身疼痛脈沈而遲當用何藥仲景有桂枝芍藥

生薑人參新加湯蓋為此症也小建中湯兼治汗後身

疼脈沈而遲者若霍亂吐瀉止而身疼痛不休者少與

桂枝湯即愈金匱要畧云瘡家雖身體痛不可發汗汗



條風濕一身痛重但微汗不可大發汗有本條發汗後	便有本條陰毒身痛如被杖腹中絞痛脈沈而疾有本	逆湯真武湯附子湯中濕一身盡痛不可汗下但利小	有熱可黃耆建中湯厥陰少陽身痛其脈沈必自利四	汗下並不可至在其人素無熱可芍藥甘草附子湯素	脈浮即用麻黃湯病七八日脈細惡寒為陰陽俱虛吐	或只脈遲者血不足也先用小建中湯以養之俟其尺	大抵多是表症太陽身痛脈浮緊無汗麻黃湯以汗之	其或自利脈沈此則陰症之身痛藏家之裏病云身病	與之然則身體疼痛脈沈下自利太陽之表症明矣	或抵多是表症太陽身痛脈浮緊無汗麻黃湯以汗之	脈浮即用麻黃湯病七八日脈細惡寒為陰陽俱虛吐	汗下並不可至在其人素無熱可芍藥甘草附子湯素	有熱可黃耆建中湯厥陰少陽身痛其脈沈必自利四	逆湯真武湯附子湯中濕一身盡痛不可汗下但利小	便有本條陰毒身痛如被杖腹中絞痛脈沈而疾有本	條風濕一身痛重但微汗不可大發汗有本條發汗後
欽定四庫全書																
普濟方																
太陽病咳嗽乾嘔微利心下痞硬引脇下痛身涼汗出																
或時頭痛此為表解裏有水十棗湯下之病者脇下痛																
素有痞積在於臍傍引小腹入陰筋俱作痛此為臟結																
不治歌曰身疼浮紫太陽臨自利肝升腎帶沈中濕毒因與																
風濕其餘霍亂本條尋局方大柴胡症云邪結在裏大																
便閉澁心腹痛鞭者可服若身體疼痛是表症未解不可																
與之然則身體疼痛脈沈下自利太陽之表症明矣																
其或自利脈沈此則陰症之身痛藏家之裏病云身病																
大抵多是表症太陽身痛脈浮緊無汗麻黃湯以汗之																
或只脈遲者血不足也先用小建中湯以養之俟其尺																
脈浮即用麻黃湯病七八日脈細惡寒為陰陽俱虛吐																
汗下並不可至在其人素無熱可芍藥甘草附子湯素																
有熱可黃耆建中湯厥陰少陽身痛其脈沈必自利四																
逆湯真武湯附子湯中濕一身盡痛不可汗下但利小																
便有本條陰毒身痛如被杖腹中絞痛脈沈而疾有本																
條風濕一身痛重但微汗不可大發汗有本條發汗後																





身痛脈沈遲者桂枝加芍藥人參湯汗後身痛為寒邪  
在表脈沈遲為在裏用芍藥入藥人參安和真氣或用  
黃耆建中湯又汗後霍亂  
身痛不休少與桂枝湯

方

解仞湯 治傷寒往來寒熱一有時肢節煩疼者

恒山<sup>二</sup> 柴胡<sup>四</sup> 知母 甘草 青蒿子 桃枝<sup>一各</sup>

桂<sup>兩</sup> 生薑<sup>二</sup> 烏梅<sup>十二</sup> 葱白 薤白<sup>各三</sup> 柳枝

握<sup>一</sup> 鼈甲<sup>醋炙去裙</sup> 爛<sup>二兩</sup>

右以水一斗二升煮取六升去滓再煮取三升溫服

欽定四庫全書

普濟方

一升寒熱前後各一服亦治久瘧不用葱薤亦良

防風湯 治少陽病筋牽急而疼痛發作有時此為痺

也

防風 甘草<sup>各一</sup> 天南星 生薑<sup>二兩</sup>

右以水四升煮取二升去滓溫服七合日三服

六物解肌湯 治傷寒發熱身痛

葛根<sup>四</sup> 茯苓<sup>三</sup> 麻黃 牡蠣 生薑<sup>各二</sup> 甘草<sup>一</sup>

右咬咀以水八升煮取三升分三服再服得汗通即



止古今錄驗無生薑甘草忌醋物

參苓散 解傷寒治百節疼一切虛勞氣疾並宜服之

人參二兩 茯苓一兩 白朮二十兩 桔梗十兩 橘紅六兩 香白

芷三兩 芍藥一兩 當歸二兩 川芎一兩 半夏一兩 洗七遍厚

朴二兩 去皮 官桂兩 去皮 枳殼四兩 同桂 炒令

末 乾薑春夏一兩半 秋冬二兩 麻黃去根節 春夏二兩 秋冬三兩 甘草三兩

右剉一處焙乾除官桂枳殼別杵外諸藥同搗麤末

分作六分於大鐵鍋內以文武火炒令微赤黃為

欽定四庫全書

普濟方

度不可令焦須是勻取出以淨紙襯安板床上候

冷勿令侵塵土入前枳殼官桂川芎和勻杵為細

末每服一錢水一盞生薑三片葱二寸煎七分通

口服不拘時候

陰旦湯 治傷寒肢節疼痛內寒外熱心下虛煩

芍藥 甘草各二兩 乾薑 黃芩各三兩 桂心四兩 大棗

十五枚

右咬咀以水一斗煮取五升去滓溫服一升日三服



夜再服令小汗出差

黃耆建中湯 治傷寒身痛尺脈遲及汗後身痛脈弱

黃耆 桂各一錢半 芍藥三錢 甘草一錢

右以水二盞薑五片棗二枚煎至八分去滓入稠飴

一大匙再煎盡溫服舊有微瘡或嘔者不用飴

人參順氣散 治丈夫婦人風虛氣弱榮衛不和肢節

疼痛身體沈重頭目旋暈肩背拘急手足冷麻半身

不遂口眼喎斜痰涎不利言語蹇澁或脾胃不和心

欽定四庫全書

普濟方

腹刺痛胸膈痞滿倦怠少力霍亂轉筋吐瀉不止胎

前產後並宜服之

乾薑 人參各一兩 川芎去蘆頭 甘草炙 白朮去蘆 苦梗

厚朴去粗皮 陳皮洗去白 白芷 麻黃去節各四兩 乾

葛去蘆

右為細末每服二錢水一盞薑三片棗一枚薄荷五

七葉同煎八分不拘時候如傷寒感風冷頭疼腰

重咳嗽鼻塞加葱白煎



壞傷寒 論

夫傷寒壞病者為三陰三陽俱受病訖毒氣未散留於  
臟腑令致病候多變故曰壞傷寒也本太陽病不解轉  
入少陽脇下牢滿乾嘔不能食往來寒熱其脈沈緊宜  
小柴胡湯寸口脈洪大數而滑洪大榮氣盛滑數衛氣實榮  
盛則鬱怫可與出汗衛實即大便牢難三焦閉塞津液  
不通榮衛相搏煩心發熱兩目如火鼻乾面赤舌燥齒  
黃大渴故過經而成壞病也 傷寒太陽病三日已發

欽定四庫全書

普濟方

汗若吐若下若汗症仍不解者多變為壞病又太陽病  
轉入少陽已吐下發汗少陽症罷此為壞病知犯何逆  
以法治之此皆由傷寒病在諸經絡發汗吐下而病症  
不除又感異氣氣有寒暑燥濕風不同病變隨故謂之  
壞病又有傷寒過經再受熱邪留蓄臟腑病候多變者  
及傷寒解後虛羸少氣餘症未除者皆謂之壞病也

方

麥門冬散 出聖惠方 治傷寒壞病身體沈重無力昏昏如醉



<p>頭痛煩悶</p>	<p>麥門冬 <small>三分</small>  <small>去心</small> 百合 <small>三分</small>  <small>根節</small> 麻黃 <small>三分</small>  <small>去</small> 葛根 <small>半兩</small>  <small>剉</small> 柴胡</p>	<p><small>一兩</small> 桔梗 <small>半兩</small>  <small>去苗</small> 木通 <small>三分</small>  <small>蘆頭</small> 甘草 <small>半兩</small>  <small>剉</small> 羚羊角</p>	<p><small>半兩</small> 石膏 <small>二兩</small>  <small>剉</small> 赤茯苓 <small>一兩</small></p>	<p>右為散每服五錢以水一大盞入生薑半分煎至五分去滓不計時候溫服</p>	<p>升麻散 <small>出聖</small>  <small>惠方</small> 治壞傷寒經數日未解潮熱作時煩躁面赤</p>	<p>欽定四庫全書  <small>普濟方</small></p>	<p>川升麻 <small>三分</small>  <small>分</small> 鼈甲 <small>三分</small>  <small>令</small> 黃去裙襴 前胡 <small>半兩</small>  <small>去</small> 烏梅肉</p>	<p><small>半兩</small> 枳殼 <small>三分</small>  <small>微</small> 黃去穰 犀角屑 <small>三分</small>  <small>剉</small> 黃芩 <small>三分</small>  <small>剉</small> 甘草 <small>半兩</small>  <small>微</small> 赤剉</p>	<p>葛根 <small>三分</small></p>	<p>右為散每服五錢水一大盞煎至五分去滓入生地黃汁一合更煎一兩沸不計時候分為二服</p>	<p>又方 <small>出聖</small>  <small>惠方</small></p>	<p>梔子仁 <small>三分</small>  <small>分</small> 川升麻 <small>三分</small>  <small>分</small> 黃芩 <small>一兩</small>  <small>剉</small> 石膏 <small>一兩</small>  <small>剉</small> 乾薑 <small>半兩</small>  <small>剉</small></p>	<p>右為散每服五錢水一大盞煎至五分去滓入生地</p>
-------------	--	---	---	--------------------------------------	---	---------------------------------------	---	--	-----------------------------	--	--	---	-----------------------------



<p>黃汁一合更煎一兩沸不計時候分為二服</p>	<p>前胡散 <small>出聖 惠方</small> 治傷寒後已經十餘日潮熱不退身體沉</p>	<p>重昏昏如醉恐成壞病</p>	<p>前胡 <small>一兩去 蘆頭</small> 百合 <small>一兩</small> 麻黃 <small>三分去 根節</small> 葛根 <small>一兩 剉</small> 麥門</p>	<p>冬 <small>半兩 去心</small> 石膏 <small>一兩</small></p>	<p>右為散每服五錢以水一大盞入生薑半分煎至五分去滓不計時候溫服</p>	<p>又方 <small>出聖 惠方</small></p>	<p>欽定四庫全書 <small>普濟方</small></p>	<p>柴胡 <small>一兩 去苗</small> 防風 <small>三分去 蘆頭</small> 黃芩 <small>一兩</small> 葛根 <small>一兩 剉</small> 甘草 <small>半兩</small></p>	<p>右為散每服五錢水一大盞煎至五分去滓不計時候溫服</p>	<p>候溫服</p>	<p>鼈甲散 治壞傷寒經十日已來未解熱在胸膈煩悶不止</p>	<p>鼈甲 <small>塗醋炙令 黃去裙襴</small> 柴胡 <small>去苗</small> 川升麻 <small>已上各 一兩</small> 烏梅肉 <small>一兩</small></p>	<p>聖濟作 枳殼 <small>微炒</small> 犀角屑 黃芩 <small>已上各 一兩</small> 甘草 <small>半兩</small></p>
--------------------------	--	------------------	---	--	--------------------------------------	--------------------------------	----------------------------------	--	--------------------------------	------------	--------------------------------	---	---



炙微  
赤剉

右為散每服五錢水一大盞煎至五分去滓入生地

黃汁半合更煎一兩沸不計時候分溫二服聖濟

方水一盞半煎至八分去滓下地黃汁二合攪勻

食後溫服名鼈甲湯

犀角散

出聖  
惠方

治壞傷寒日數多後煩熱不退頰赤口乾

犀角屑

一分

柴胡

三分  
去苗

吳藍

三分

大青  
一分  
川升麻  
一分  
烏

梅肉

三分

黃芩

三分

甘草

半兩  
炙

微赤剉

欽定四庫全書

普濟方

右為散每服五錢水一大盞入竹葉三七片煎至五

分去滓不計時候溫服

麥奴丸

出聖  
惠方

治壞傷寒熱在胸中口不能語

麥奴

半兩

竈下黃土

半兩

竈突中墨

半兩

梁上塵  
半兩  
麻黃

一兩  
去根節

川大黃

半兩  
剉碎微炒

黃芩

半兩

川朴硝

一分

右為末煉蜜和丸如彈子大每服以新汲水研下一

丸良久令極飲水不欲水但強飲之須臾必寒寒

已當有汗出便愈



宣毒麝香丸

出聖  
惠方

治壞傷寒心下結硬腹滿氣急大便

不利體變如桃枝色熱結在內者

麝香

一分  
細研

猪苓

一分去  
黑皮 川芒硝

一分醋  
拌炒乾 川大黃

一兩對  
微炒 梔子仁

兩半  
柴胡  
去蘆 芫花

右為末入麝香同研令勻煉蜜和丸如梧桐子大每

服溫水下二十九丸良久必利未利再服

知母麻黃湯

出永類  
鈐方

治傷寒壞病差後或十數或半月

二十日終不惺惺精神昏語言錯又無寒熱醫或作

欽定四庫全書

普濟方

鬼祟或作風疾多端治藥弗效或朝夕潮熱煩赤或

似瘧皆由發汗不盡餘毒在心包絡間所致

知母

炒一  
兩半 麻黃

去根節煎  
掠去沫 甘草

炙  
剉 芍藥 黃芩

心各  
半兩 桂

右剉如麻豆大每服五錢水一盞半煎至五分去滓

溫服半日內可相次三服溫服取汗再服若心煩

不眠欲飲水者當稍與之令胃中和即愈未汗須

再服





升麻湯 治傷寒壞病經數日未差諸藥不能除	升麻 鼈甲 <small>醋炙去裙襖</small> 枳殼 <small>去穢炒</small> 犀角 <small>鎊</small> 葛根 黃
右剉如麻豆大每服五錢水一盞半煎至八分去滓	芩 <small>心去黑</small> 甘草 <small>炙剉</small> 前胡 <small>去蘆頭</small> 烏頭 <small>炮製去皮臍各半兩</small>
下地黃汁二合攪勻食後溫服	麝香丸 治傷寒壞病冷熱相搏心下結胸滿氣急大便不利體變黃青黑如桃枝色四肢逆冷熱結在內者不可服湯飲
欽定四庫全書	普濟方
麝香 <small>研</small> 猪苓 <small>去黑皮</small> 朴硝 <small>研</small> 薤花 <small>炒</small> 芫花 <small>醋炒各一分</small> 大	黃 <small>炒剉</small> 商陸 甘遂 <small>焙各半兩</small>
右搗研為末煉蜜和搗三五百杵丸如菉豆大每服	黑奴丸 治傷寒壞病頭與骨肉俱痛狂言妄語醫所
不療者	麻黃 <small>去根節</small> 黃芩 <small>去黑心</small> 甘草 <small>炙剉</small> 竈突墨 芒硝 豉
炒 一合	



右搗羅為末鍊蜜和搗三五百杵如桐子大每服一丸新汲水研下不拘時候

大效丸 治傷寒壞病

烏頭

附子

二味去皮臍為末用醋一升煎盡好酒一升再煎成膏後入諸藥

烏

蛇

酒浸去皮炙

細辛

去苗

厚朴

去粗皮姜汁炙

人參

赤茯苓

去黑皮桂

去粗皮乾蝎

炒木香

乳香

研草豆蔻

去皮礪

砂

胡桐淚

檳榔

剉膩粉

不灰木

各一分

右一十七味將十五味搗研為末入二味膏子內和

欽定四庫全書

普濟方

搗丸如梧桐子大每服十九丸如陽盛研牛黃膩粉

水下如陰盛發厥心胸結痞煎柳枝湯下

麥門冬湯

治傷寒壞病經久不差潮熱不退身體沉

重昏憤煩悶

麥門冬

去心焙赤茯苓

去黑皮鼈甲

各一兩甘草

去裙襴醋

炙一兩

甘草

炙剉

右麤搗篩每服三錢水一盞烏梅一箇小麥五十粒

同煎至七分去滓溫服不拘時候



前胡湯 治傷寒壞病潮熱頰赤口乾煩躁神思昏塞  
經久不瘥

前胡 去蘆頭 二兩 柴胡 去苗 常山 人參 葛根 剉各一兩 甘草 三分

右麤擣篩每服三錢水一大盞烏梅一個椎碎生薑三片煎至七分去滓溫服不拘時候

治傷寒八九日不瘥名為敗傷寒諸藥不能消者方名

鼈甲散

欽定四庫全書

普濟方

鼈甲 炙 蜀升麻 前胡 烏梅 枳實 炙 犀角屑

黃芩 各一兩 甘草 一兩 生地黄 八合

右切以水八升煮取三升分五服頻頻服若不解更服若頭面赤去石膏用乾葛四兩無地黃用豉一升煮取三升分三服忌蕪荑

治壞症傷寒病十餘日之後過經已下已汗而未愈者  
廬州郭醫名羽云渠義父李助教大名府善方脈嘗合以治四五人皆安其方得於天台一僧用藥甚異



或謂其效在兜取殊不可曉

紅娘子

二七個去頭翅足細研

大棗

兩枚剝取肉

右同研勻爛丸如理中丸大每服一丸以白水煎服先頭目次遍身覺微微有汗然後服小建中湯加黃耆病瘥即止郭醫但能記此說未嘗敢用不可不錄以俟名醫開之

回生散 治傷寒失下或成壞症謔言妄語發黃發斑

大便不通小便如血內有燥糞畜血舌縮神昏不能

欽定四庫全書

普濟方

服大湯劑但服此藥一呷燥便下通澀然汗出而愈

甘遂

生用

黑牽牛

生取末秤

郁李仁

去皮

檳榔

生用

大黃

生用

大

戟

六味各等分

右件為細末每服一錢入輕粉一字以蜜水少許用柳枝調勻服之更量虛實加減不拘時候

普濟方卷一百四十二

